

樊

山

續

集

樊山續集九

恩施樊增祥嘉父

北臺集

己亥二月初八日

召對儀鸞殿奉

旨開缺以道府存記次日入謝

兩宮垂詢時政甚悉紀

恩述事敬賦二詩

長樂門邊候曉鐘  
延和仙仗簇春風  
蓬萊宮闕原天上  
堯舜勳華出女中  
佩玉低垂花鬢綠  
絲綸新捧朶雲紅  
廿年靴版風塵底多愧  
朝廷念弱翁

明光一再被溫綸  
無補朝家望治殷  
爲問蒼生徵賈誼  
許開

東閣待朱雲

有榮相差遣

軍謀乍可參龍武廷對何煩析豹文

牧令箴階朋黨論獻廷亦是野人芹

代仲華相公題恭忠親王萃錦吟續集十二韻

江淹妙筆誇橫錦安石遺文說碎金  
藝苑卮言俱瑣瑣吾王玉度獨惜惜  
天人已擬二絲繡法曲重聞百衲琴  
鸞尾編成排日寫龍梭飛去五雲深  
尊藏四庫添新本陶冶三唐入雅吟  
嚮合侯鯖充御饌屏舒孔雀是家禽  
著鹽巧試調羹手無縫方知補袞心  
麾斥虬鸞皆自得參差難鴛莫相尋  
絳潭定有分鏐帖隙滋甯無合獻琛  
矢發必雙過養叔兵多益善擬淮陰  
掣鯨碧海饒神力雛鳳丹山望嗣音  
舊贈碧紗籠裏句元珠摩拊幾沾襟

玉河書見

玉河橋上玉驄鳴，行到樓前更不行。  
定自不關垂柳事，遠山眉黛不勝情。

樓前軟浪碧粼粼，墮策徘徊小院門。  
定自不關春水事，闌干紅處易銷魂。

題爽翁水明廬詩集

集中附  
文數篇

一編終始在于湖，風雅咀含與道俱。  
詩裏周公惟子美，文中烏獲是江都。  
見論衡補栽涪叟曾看竹，懶食琴高所種魚。  
今日廉頗思趙土，亦如江左念夷吾。

春暮過高廟登第一樓題壁

斗起霞標俯碧流，西峰殘照在簾鉤。  
新栽文杏花成子，舊識山僧雪滿頭。  
金縷垂楊驕白馬，綠羅春水浸朱樓。  
低徊十六年來事，師友凋零感舊游。

甲申歲兩偕李悉  
伯師黃再同游此

己亥四月八日次女金粟周晬作粥供佛分貽朋好伯

熙以詩報謝卽次來韻

儒門右悅佛門通  
啜到瓊糜喜氣融  
粥面略參茶社法  
餅香剛送麥田風  
是日亦作湯餅  
前身龍女將毋是  
小字蟲娘未許同  
好與晬盤添故事  
新詩乞得意園翁

原作

歲時荆楚朔方通  
佛粥香醅七寶融  
濟物門當開甘露  
罍人日欲藥防風  
且須迎臘更相饋  
便說和羹味亦同  
記得兒時賦綠豆  
頽然今日一衰翁  
四月八日鄉俗例送綠豆豉十歲時  
先憲副公命賦詩立成因句云一豆一聲佛佛門結眾緣要知根本地莫使豆莢煎大爲族兄樹南先生所賞  
賦得綠豆呈伯熙

豆子山前度眾生  
分貽略比荀兼櫻  
珠來海上應無數  
紅到

江南便有情。井久知人厭鬼。荷戈真願爾成兵。最房匪之師在曾文正公座文正仰屋自語曰莫吟觸歲然其句與子安得撒豆成兵耶師嘗舉以為笑

白頭如弟兄

簡爽翁

精廬舊屬平章宅。今是堯夫安樂窩。修道晨餐鐘乳少。著書夜嚼石蓮多。好風過樹聞黃鳥。細雨臨池玩白鵝。強敵窺邊雖百萬。其如賭墅謝公何。時意大利索三門灣

屋後新作小臺。全攬玉河之勝。薄晚肅爽。翁登眺盛荷。詩章敬次來韻

汲黯入內。登九卿羊曼在州。長八伯人不與東閣丞相具銜。版出不使南陽吏民重足。迹閒時對坐松風裏。清言不數臧三耳。葛巾薄暮臨高臺。一鑑天開玉河水。瓊島陰岑碧殿深。

苑牆迤邐紅霞起上書近接光範門垂竿莫憶嚴陵里鶯立  
煙浦雙徘徊馬放沙隄或憊俟褰裳卽此是江南宛轉吳歌  
採蓮子新詩寫以金錯書研螺辛苦女相如公侍人知書高王冰  
井定何似天風吹裂三條裾隔鄰喚買辛家酒對食平分丙  
穴魚我視公如賭聖謝安石公視我如賦海木元虛

午日對酒疊前韻寄爽翁

世人目我強項翁上官呼我聲牙伯臥閣十日不梳頭掃盥  
蓬門車馬迹今年端午皇城裏走馬銅街偶然耳裁雲歌扇  
倚薰風疊雪羅衣動秋水曲江新蒲九節香靈和細柳三眠  
起憶昔興誠道院游師及伯陽友栗里鉤轂斑駁明下來敘  
符玉燕城隅俟詩版大書揭僧壁煙墨模黏歲丙子丙子端午與慈  
伯師子珍昆季游龍樹寺各賦詩詞紀游樹來再上光範書故交落落晨星如紅

榴照眼髣垂白何心更曳侯門裾觀棋小慧慚窺豹聞道嫌  
遲託泔魚獨有袁絲願兄事引杯莫遣夜窗虛

雨過

風簾生微瀾秋簾墮新粉玉簪葉上詩溜雨成春蚓  
清朝嬌女至問我有詩無今日煎茶水青荷葉上珠

奉和伯熙冰水雨夜見寄元韻

客舍幽州五月寒對牀無分與追攀雲沈鐵雁關前月雨暗  
紅螺寺外山華省羣公虛待漏蘭陵一老獨居閒梧桐東府  
還蕭瑟明鏡明朝數髣斑

又和伯熙病足一首

軟腳江南酒陶然盡一卮獨行遲愈好多病老方知漫市千  
金馬猶當一足蘼憐余猿臂軟亦減射鵬時

余嘗患臂痛



伯熙病足詩用韻較險更以七言報之

黃衣策杖來何緩紅粉窺樓笑未宜  
筮易行占中有坎抄書坐使右生胝  
蹇驢背上槌腰客鸚鵡禪心害腳師  
樂正經旬堂不下躊躇羣謁魯帷緇

余既和伯熙病足詩適黃漱蘭丈亦患此疾電速仲弢  
歸省再賦二首

願腳猶爲霸者師壺頭曳足亦英姿  
莫因蹠戾方求艾敢道聰明不逮葵  
囊智須酬馬陵箭功名終復雁門蹄  
但乘韋虎肩輿去已辦臨江制佛狸

時三門灣方戒嚴

黃公歸去王孫老同是儒家又道家  
甚欲兩賢合叩駟未宜一例感夔蛇  
昇籃尙憶飛狐雪

伯熙屢言飛狐之勝

倚杖猶看雁宕霞

爲報太邱御車者早乘鹿蹕到東華

敎丈家居岑寂余勸仲弢迎養至京

次答爽翁來韻

君不見思光牽船而居陸申屠因樹以爲屋誰能奔走五侯  
門唇舌爲樓筆爲谷舊聞頗記陸劍南新論不數桓君山北  
窗置榻展簾局小桃夾竹紅欲然清荷不花綠雲軟

王河水  
凋蓮多

葉少

大似母多而庶鮮玉水難回拍岸波香山欲置通泉窠

雨霍如矢鷹師杜門猶比朱桃椎忽枉瑤章洗煩熱郁然

玉斗蓮一枝公居東跨蒼龍角我屋臨河斷淙潏公思越枕

薦楊梅我憶楚鄉食麥啄

鳥名惟漢  
皋有之

各如社燕寄修椽奇絕

城南尺五天何處披襟嚮風坐何時聽雨對牀眠不能飲血

生擊鹿猶可近同雞黍局未須金馬厭浮湛久矣香林忘染

觸平生服膺梅子眞第三嬌客亦鄉親

子陵娶梅  
眉第三女

相從鼓枻

歸嚴灘對嚼梅花釣雪鱗

五月十四日曉起登平臺看雨用前韻簡伯熙

臥聞簷玉曉潺潺磴滑臺虛且試攀  
兩鴨拍浮丁字水一螺  
蒼潤米家山黑頭鏡裏三公去  
黃頰山中斗酒閒爲報意圓  
掃塵榻結趺同印簞紋斑

雨後登北臺觀荷簡爽翁

北池飛雨灑黃梅  
屐齒深嚙危梯苔是宜題作喜雨亭  
旁人云是淩畝臺  
金明池水青羅展十畝  
芳荷綠雲偃隔浦新開  
品字蓮花頭粉重  
胭脂淺鏡裏飛飛翠羽雙盤心的的明珠  
轉處女平生愛修潔  
紅衣一日三薰盥女郎家在玉河邊  
解學吳娃唱採蓮  
紫茱白魚俱入饌雞頭菱角不論錢  
季鷹夙有江鄉慕到此沈吟不能去  
金帶常留賣酒家朝衫每挂垂楊樹  
今朝微雨濕巾角散髻池邊捉鷗鷺  
屢從屬玉館前趨

始識鳳凰城裏住，漸西村人太乙家。酒邊相約看朝霞，與公俱有關中意。玉女峰頭十丈花。

余和爽翁詩，有時聽雨之句，詰且卽得好雨戲拈二解。

平明玉水溢清池，金簡投龍謝雨師。未許人天兩停待，詩催雨又雨催詩。

千金難得旱蓮生。

韓致光語

一雨全蘇倩女魂，解語荷花應有語。

今年何以報君恩。

姜白石詞：今年何以報君恩，一路荷花相送到青墩。

小臺在吾廬之西北，因名之曰北臺，並系以詩，或爲將

來志坊巷者增一故事耳。

累土爲臺，面北池渚，蓮宮樹影全低，對揚三殿螭頭，近睥睨羣山馬耳，齊戴斗也。同星拱極，倚欄常見月平西。拙書自寫。

凌雲榜未要韋王鉅手題

再贈伯兮

易涑之間屢問津歸來病足已經旬  
悲歌古有燕趙士方劑  
今之秦越人獨攝絳帟調氣母  
自書黃紙祭身神綠池又報  
穠花發常有胸中盎盎春

雨中

梅子黃時雨最佳簷風吹冷舊紋紗  
吾廬倚樹兼臨水午聽  
新蟬暮聽蛙

北臺高矗晚涼多玉水平添一寸波  
欲得謝家兒女意雨中  
張蓋看新荷

風入西窗羅目疏隔牆跳盡綠荷珠  
宮壺三換蓮花箭猶攝  
深衣據槁梧

燭淚堆檠冷不收會稽師友斷風流

謂慈師子珍

老夫那不頭成

雪丹鳳城南夜夜秋

彩雲曲

有序

傅彩雲者蘇州名妓也年十三依姊居滬上豔名噪  
一時某學士銜恤歸一見悅之以重金置爲適室待  
年於外祥琴姑謠金屋斯啟攜至都下寵以專房會  
學士持節使英萬里鯨天鴛鴦並載旣至英六珈象  
服儼然敵體英故女主年垂八十雄長歐洲尊無與  
並彩出入椒風獨與抗禮嘗偕英皇並坐照象時論  
奇之學士代歸從居京邸與小奴阿福姦生一女學  
士逐福留彩寢與疏隔俄而文園消渴竟天天年彩  
故與他僕私至是遂爲夫婦居無何私蓄略盡所歡

亦殂仍返滬爲賣笑計改名曰賽金花蘇人公檄逐之轉至津門雖年逾三十而豔名不減疇昔己亥長夏與客談此事因記以詩先是學士未第時爲人司書記居煙臺與妓愛珠有嚙臂盟比再至已魁天下遽與珠絕珠冤痛累月竟不知所終今學士已矣若放鬼餒燕子樓空唱金縷者出節度之家過市門者指狀元之第得非霍小玉冥報李十郎乎余爲此曲亦如元相所云甚願知之者不爲而爲之者不惑耳姑蘇男子多美人姑蘇女子如瓊英水上桃花知性格湖中秋藕比聰明自從西子湖船住女貞盡化垂楊樹可憐宰相尙吳縣何論紅紅兼素素山塘女伴訪春申名字偷來五色雲樓上玉人吹玉管渡頭桃葉倚桃根約略鴉鬟十三四未

遣金刀破瓜字歌舞常先菊部頭釵梳早入妝樓記北門學  
士素衣人蹙踏毬場訪玉眞直爲麗華輕故劍況兼蘇小是  
鄉親海棠聘後寒梅喜待年居外明詩禮兩見瀧岡墓草青  
鴛鴦絃上春風起畫鵲東乘海上潮鳳凰城裏並吹簫安排  
銀鹿娛遲暮打疊金貂護早朝深宮欲得皇華使才地容  
齋最清異夢入天驕帳殿遊閼氏含笑聽和議博望仙槎萬  
里通霓旌難得彩鸞同詞賦環球知繡虎釵鈿橫海照驚鴻  
女君維亞喬松壽夫人城關花如繡河上蛟龍盡外孫虜中  
鸚鵡稱天后使節西來婁奉春錦車馮嫁亦傾城冕旒七翟  
瞻繁露槃敦雙龍贈寶星雙成雅得西王意出入椒庭整環  
佩妃主青禽時往來初三下九同遊戲妝束潛隨夷俗更語  
言總愛吳娃媚侍食偏能饜海鮮報書亦解繡英字鳳紙宣



來鏡殿寒玻璃取影御牀寬誰知坤媼山河貌祇與楊枝一例看三年海外雙飛俊還朝未幾相如病香息常教韓壽聞花頭每與秦宮並春光漏洩柳條輕郎主空嗔梁玉清祇許大夫驅便了不教琴客別宜城從此羅帷怨離索雲藍小袖知誰託紅閨何日放金雞玉貌一春鎖銅雀雲雨巫山枉見猜楚襄無意近陽臺擁衾總怨金龜媚連臂猶歌赤鳳來玉梢畫下新宮啟轉塵王郎長已矣春風肯墜綠珠樓香徑還思苕蘿水一點奴星照玉臺樵青婉變漁僮美總帷尙挂鬱金堂飛去玳梁雙燕子那知薄命不捨人御叔子南後先死蓬巷難栽北里花明珠忍換長安米身是輕雲再出山瓊枝又落平康里綺羅叢裏脫青衣翡翠巢邊夢朱邸章臺依舊柳毵毵琴操禪心未許參杏子衫痕學宮樣枇杷門榜換冰

街吁嗟乎情天從古多緣業舊事煙臺那可說微時管蒯得  
恩憐貴後萱芳成棄擲怨曲爭傳紫玉釵春游未遇黃衫客  
君旣負人人負君散灰扃戶知何益歌曲休歌金縷衣買花  
休買馬塍枝彩雲易散琉璃脆此是香山悟道詩

題徐舍人詞稿

城北逢君一帳然青袍白馬紫絲鞭西崑楊李垂垂老小晏  
填詞獨少年

題襟南海挹珠光衣錦山頭墨數行五色羅浮蝴蝶繭繅絲  
織作繡衣裳

杖策高談北府兵

徐薦一武人曰張少軒談兵有中肯處

樓船橫海待書生晨

餐東海獺龍鮓夜草南山猛虎行

錦帶雙垂金荔支舍人獨步鳳凰池洞簫一賦無傳本偏被

宮娥聖得知

遣懷

買花休典斷紋琴賣賦誰酬印子金

印子金上有劉主字相傳是淮南王藥金重不

過半兩見沈括筆談

不著二塵甜苦淡

佛家舌塵有二以甜苦爲一塵淡爲一塵

未除三好

酒書音客來論畫慙清閣寺近聞鐘卽定林一箭幽蘭開越  
盎素香先得楚人心

廉生再補祭酒伯熙以詩調之亦賦一首

蘭陵祭酒已三爲國學諸生認髭絲十鼓長歌擬韓愈兩齋  
高弟少秦斯功名文武能兼總學術經人可並師東馬老來  
俱慢世客嘲賓戲任交綬

題爽翁富春溪山臥遊圖

富陽至桐廬中間百許里山如青玉高切雲水皆縹碧清見

底扶輿磅礴生異人入爲麒麟出爲身五年駐節于湖陰政  
事文章見根柢幕中惔杲倚紅蓮門下秦晁作桃李江聲日  
夜那樓前山色蜿蜒酒杯底江山信美非故鄉夢中九老相  
頽頽謝公寢處愛山澤坐想笠釣青茫茫公家嚴州富春渚  
千百畫眉啼衡宇白道前身是客星至今羊裘漬煙雨富春  
人物足風流青綠溪山繞畫樓梅尉女郎隨釣艇放翁父子  
占名州拂衣欲歸歸未得盡寫煙嵐入縑帛大宗圖續小宗  
香臥閣經旬謝簪幘春曉八松針蕊黃冬晴七里梅花白草  
綠桐君採藥山泉香許邁栖眞宅睡起風泉入虛幌看畫喫  
茶恣偃仰寧知九卿待汲直不願三公起荀爽帝曰江表  
有異人出爲獬豸入爲麟敎參大政紫薇省旋陟清班金馬  
門火城待漏朝參肅回頭苦憶松間屋閒邀朝客飯青黏夢

還仙家騎白鹿與公邂逅金明池兩萍合并亦大奇千里來  
爲門下客九年重補畫中詩桐江白魚堪下酒名卉異書公  
所有我亦當時陸渭南晚年願作嚴州守

再題爽翁臥遊圖

黃漱文橋梓並有題墨中  
空一方爽翁屬補其缺

開卷北窗下仙雲落稿梧從茲消夏錄補入富春圖  
桐江三百里七里是嚴隴可但梅花俊溪山亦少雙  
臥內青霞滿公眞山澤羣朝廷急西事辛苦范希文  
一段玉池閒期余果此緣身非孔文舉名署紀羣間

浴罷

浴罷新更白葛衣晚晴庭院嫩涼時花香納入通中枕茗戰  
催成歇後詩梧竹有風捐扇早樓臺得月上燈遲  
利市能多少賸許都人食荔枝

時府主  
惠鮮荔枝

廉翁三長國學出扇索詩再贈二首

振玉三爲天下師，醯醢應有酒如池。  
功名白燕原無競，喜愠於菟兩不知。  
汲孺蹉跎積薪下，劉郎想像種桃時。  
門生盛消得沙哥七字詩。

供奉 南齋早賜緋，君恩特許午前歸。  
已教雲笈窺東壁，仍遣冰銜帶北扉。  
紫禁神仙惟李泌，玉屏名字記楊徽。  
請看國子先生愈，吏部文爭日月輝。

爽翁以五言長篇見獎，愧不敢荷，敬次來韻。

公昔巡皖南，余有黃山約。開徑曰：待雲百壺貯，桑落何圖壺。  
與嶠不得相連著，數數報郵書。駸駸換年箭，一爲靴版牽。  
如虎受急縛，太尉自廟堂。幼輿念邱壑，關皖兩逍遙。  
何由縱驪譚，自頃來上京。春風聚漂簣，望衡三里強。  
瓜連而萍託，長安

十二衢綺繡紛交錯公墩及我屋一例薈花藥昔爲金張第  
冠蓋傾京洛今爲揚馬居文醯羅杯杓南物具茗鯽北珍間  
羊酪菊畦十尋闢瓜地數弓拓行吟得鷗笑導引資龍躡食  
果飲砂泉渴飢亦小瘳我頻問起居北壁掃塵榻萬象歸寂  
照百家恣評泊坐聽華嚴論自忘根器薄沆瀣但一氣焉知  
同與各酒酣導我游九老栖眞閣眞靈宏景圖書讚平原作  
蓄藥篋兼杞檢書珠去礫徐出富春卷要平我枯腸索晉退  
已三舍輸攻凡九郤判以釘鉸製付公敵一擲大匠無輕棄  
戶庭敞虛廓功父三分詩傳誦滄芳郭公所居也嗟余少薄祜割  
心纏六鑿耳目等荒僮身世付渠略爾疋野中更師友教南  
北勤簞屨季世乏楨幹薄材被纓絡跛蚩號千里小草充蘭  
若

春蘭秋若見  
江文通集

公復獻之廷曰鳥中一鶚恩重蟲負山中宵

慄心魄暫挂金閨籍終踐丹邱諾呼公武夷君祝我幔亭樂  
放鹿東西澗撈蝦上下箸兩耳熟松風雙蹠謝吉莫忽然墮  
驢笑羣雄盡翦削好跨白鳳皇從公游碧落

夏日過意園有作

涼堂消暑進茶瓜亭午清言到日斜書篋半裝毳路錦簾衣  
多是麴塵紗野人帶露貽山果園叟分畦灌井華著述禮堂  
初寫定任人呼作魯東家

再過意園三疊山字韻贈伯義

萬竹陰中夏亦寒書城甯許豎儒攀試茶香霧生壺嶺洗墨  
圓波繞硯山閱世身同松柏壽罷官心與水雲閒期君早蠟  
黃桑屐莫等西峰榭葉斑

伯義晚過北臺觀荷四疊前韻



雨送新涼未遽寒北臺梯級互登攀池光顯德吹青蘋畫意  
司農淺絳山秋水芙蓉雙鷺下禁城鐘鼓兩人閒窪尊倒浸  
天心月祇恐常儀桂葉斑

己亥七月三日立秋是夕得一曾孫命之曰喜子並系  
以詩

一堂四代鳳城東佳日清秋試六蓬纔看繡綳攜乃祖廉兒

恆索余又將銀鹿悅衰翁乳名乍可呼孫喜兒外家姓孫乳

志家諱仍應避小同兒先鄭君一日生先兄始生與先母同

故小名合使阿珩蒙上賞河間示罰我論功紀文達為其孫

又同不孕文達晉之十樹馨守宜昌親為先祖言之樹馨娶婦彌年

晚年重到玉京遊蓬闥攜家得自由日月幾何孫抱子園林

無恙夏徂秋將門世以兜鍪顯衰髯行將鏡鐸投南齊高帝

云豈有為

人作曾祖而拔白髮者乎卽擲鏡錢四世作公非我意祇憑忠孝繼前修  
又村公人觀詩人是神仙馬玉驄長安道上踏春風天顏  
日近承恩寵歸奉慈闈孝作忠祥五歲時先祖卽日授此詩

### 立秋日過意園

寶墨堂深竹柏交科頭箕踞信消搖捲簾淡月初三夜落葉  
清秋第一朝細細荷香薰飯具微微珠雨溼燈綃歸時打點  
黃紬夢已有雞人喚早朝

### 閒居

纔曳桃枝上北臺旋循花徑試棕鞋貪看山色晴尤好愛聽  
荷聲雨亦佳茶臼安於常住室蘭盆移入小眠齋肉生髀裏  
妨何事莫爲功名損老懷

薄午涼堂暑氣清簾波不動簾紋平茶甌淺帶煙嵐色琴柱

微鳴玉佩聲看竹人來逢睡起催花雨過報詩成教兒誦罷  
蕭樓賦閒聽風蟬繞樹行

北臺早秋

扶杖新秋後登臺晚照時蓮紅六郎面茶白老君眉驚瘦驚  
寒早蟬疏答響遲宮牆花水綠來自濯龍池

送器之外舅還鄂

萬里風波兩鬢霜天涯獨我是韓湘黃金散盡貧非病白眼  
看人老愈狂檢點藥囊思壽世伶俜桃葉伴還鄉南歸收取  
桑榆景猶有黃花晚節香

爽翁新葺湛然精舍奉贈四首

大隱東方應歲星精廬小葺妥巾瓶縱橫棋局知兵勢屈曲  
屏風視地形守戶靈獨馴五白過籬仙犬覓三青欲知砭訥

愚頑意座右先題子玉銘

洛中龍鶴久齊名步屨過從忝弟兄居士偶同耶律號詩人  
甯待上官評幽蘭夜雨添花箭紫蟹新霜佐酒鎗一笑天隨  
從襲美五湖身世白鷗輕

深炷爐香覆絳幃從他鵲燕啁清朝穿籬待迸驚雷筍繞樹  
多栽聽雨蕉平旦甲寅王氏帖同年丁卯許家橋公居與竹翁最近

幅巾筇杖稱三老燭影西窗未寂寥

一曲清歌相府蓮奇章金椀故依然藜牀秋雨摺龜地門榜

春風訪鶴天

虞山蓄二鶴飛去揭勝於門日訪鶴

韋杜城南依日月草窗眼底

過雲煙池亭近落袁絲手值得滄浪四萬錢

爽翁賜疊前韻再呈四首時公方抱孫故末章及之

東南何足絆靈星有屋如舟駐錫瓶玉井泉操花命脈香鑪

金鑄鶴儀形書教幼婦題黃絹

侍人知書

賦要門生獻海青

及門屠生

作海東青賦

獨有參軍狂似昔紅靴猶製起霞銘

屢叩毗耶問淨名袁絲風韻久呼兄閒隨樂圃編琴史老學

逋翁作畫評薛篆經時生印匣松濤終日起茶鎗不愁舊識

當途少一任新知我輩輕

吳梅邨詩只緣舊識當途少坐使新知我輩輕祥笑其內熟今改之

坐麾紫拂著輕帽不負花朝與雪朝火宅有時生茵苒蠹抨

何暇及芭蕉書聲內史三間廡詩體涪翁獨木橋料理一龕

樓九老好將閣榜署松寥

賃居多傍液池運動靜聃周合自然桑橋早爲林下地萱松

俱入酒中天魚生砂井煎茶水鶴避丹鑪煮尤煙又見蘭蓀

茁庭砌乞君玉果與犀錢

八月四日招同竹簣爽秋廉生伯熙公度次璫壽平北

臺小集伯熙卽席用爽秋舊韻見示次答一首

又逢秋禊題紅桂猶憶春園賦綠

注爽秋原唱乃二月二十九日爲意園作生日作

古有三公知趙壹今無大俠似蘇雙盡呈李主稱神品經愛

唐人寫佛幢

是日出衛賢進呈廣寒宮圖及唐人寫經與諸君共賞

老友相邀會眞率

新詩題向竹間窗

偶閱南宋人集卽效其體

久輟承明供奉班幅巾藜杖稱閒官出城看客還騎馬過寺

尋僧不著冠菱角水枯秋稅減

北池水全涸矣

桂花風細夾衣寒紫

泉缸裏新砂土自課園丁養建蘭

絕句

秋潮八月漲丁沽紫蠟紅薑入饌初更撿崇文門厯看桂花

香裏進銀魚

漫興

乞得東華自在身，閒攜書卷坐苔茵。  
紅椀瑣碎金生粟，霜餅蕭鬆玉起鱗。  
剩與檳榔爲舉主，極知香茗是佳人。  
定昆池水無多子，時方苦旱留浸中秋玉一輪。

謝爽翁惠木瓜

投我木瓜浸以醕，酒甘平無毒調和氣母。

入藥刀圭聖，聞香枕簟幽。知君憐舊物，風味最宜州。

厥盒累累嘉實青，門瓜地應無那得。淇泉瑤玖報他江左夷吾。

二老風流託杖藜，西山夙與白雲期。  
祇應濟勝愁無具，故與仙人鐵胸梨。

北臺晚眺五疊山字韻

風入青綾半臂寒。臺高未覺倦躋攀。霞天雁帶胭脂水。秋景  
螺紋淡墨山。白塔陰晴俱入畫。紅欄早暮不能閒。北池盈月  
無佳雨。菱葉深黃荇葉斑。

中秋日與內兄內子攜兩家兒女奉外姑北臺賞月卽  
席有作

凌風呼酒最高層。拾級欣隨鶴鬢登。座客中郎封羯末。主人  
荆婦子孫曾。雲中金鏡當心出。水上朱欄四面憑。得傍蓬萊  
宮闕住。舉家都浸玉壺冰。

一顆明珠出海初。涓涓涼露濕衣裾。風煙俱淨青天朗。人月  
雙圓玉漏徐。歌管沸雲眞帝所。樓臺近水卽仙居。昇平不  
禁金吾夜。贏得千門啟鑰魚。

盆桂盛開同繡漪。賦之



招隱淮南意未忘手按紅蕊豔秋光早登紫府科名籍老愛  
仙家服食方并菊黃猶慚晚達露棠紅欲借天香

時秋海棠亦盛好

將金粟如來果證入吾家九桂堂

嘉定徐大司馬屬題錢南園所畫瘠馬圖寓物抒情敬

成長句

先皇策少歲壬戌二聖垂簾求鼎寶嘉定尙書第一人正  
衙獨秉淩雲筆酒醕瓊林催上馬中使執鞭赤墀下當頭騎  
出正陽門知是來從西極者供奉南齋三十年承恩紫  
禁賜連乾頓轡每於宮柳畔挽繯橫過御樓前中間兩奉  
輜軒使珠埒熒煌照天地洪都新府簡驂騮白嶽名山育龍  
驥還朝玉節有光輝珂雪鮮明一品衣叔竄自憐忽雷駭微  
之長詠望雲騅世人爭羨沙隄騁豈識金門容大隱薦教小

事任模糊石慶家風自恭謹買得南園瘠馬圖愛之不管干  
金駒屢曾對 御誇神駿誰解當官問牧芻 慈聖眼明過  
伯樂周廷八駿無凡弱第一科收第一人狀元忠孝焚香祝  
紫樞黃閣倚天開終待尙書曳履來不少渥洼千里足一齊  
翹首望金臺

賦得海棠木瓜

得棠字瓜字

九秋清供設文房特許佳名借海棠小白一投期永好淵材  
五恨釋無香故侯對酒燒紅燭妃子更衣染柘黃桃李從今  
愧粗俗衛風刪卻二三章

西府東陵合一家宣城詩裏詠絲瓜甜香錦帳偏宜睡豔體  
黃臺信可誇旖旎故應驕佛手嫌疑未肯嫁梅花定知入藥  
能獨念好漬糖霜佐井茶

再過湛然精舍

竹柏輕陰掃不開，金扉終日鎖蒼苔。  
朱顏未老風情在，時許雙荷問字來。

六扇文窗上夕暉，晚風捎竹動書帷。  
枯荷不送秋池雨，更自看雲憶翠微。

白石平瑩螯作池，猶餘樊鶴舊芭離。  
飯香魚熟久相待，背立池南尋小詩。

秋露垂垂滴玉蛛，橫安斐几面交疏。  
山僮磨墨香盈斗，搖襞雲藍作大書。

四憶詩 有序

戊戌冬將有都門之行，乃於西安典屋一區爲寄孳。  
計中有叢桂黃梅醜石修竹之屬，入居裁三日奉

詔促行旣入對遂留京邑士也懷居作四憶詩以見  
志云

憶桂

宅南兩株桂高與步檐平月下影如塔花時香滿城林亭餘  
晚翠根實驗冬榮招隱淮南賦低回付墨卿

憶梅

移根眞臘遠舒蕾蜜房齊露蕊蜂銜晚霜枝鵲踏低鵝黃添  
粉額麝碧護香臍旖旎林和靖裁詩報小妻

憶竹

豈可居無汝叢叢倚石根林中茶竈減渭上釣竿存佳士相  
師友仙禽養子孫湘東第三管莫染泣珠痕

憶石

太古蒼深色都歸片石間  
袖中縮東海籬下寄南山  
朝暮生雲氣縱橫織錦斑  
應憐鬱林守不載一螺還

北臺九日簡伯熙

九日登臺例有詩  
霜風如虎晝萋萋  
迷稍欣晚圃花香早未覺  
高簷帽樣低數笏  
遠山秋柳外一行新雁苑  
牆西銀魚紫蟹仍風味  
試與王孫覓舊題

寫懷

銅墨拋來亦未閒  
清朝看鏡損朱顏  
置身總在弓弦上  
歇足聊騎戶限間  
半格小詩酬白菊  
一甌新茗對西山  
五湖多少玻璃水  
欲掉扁舟載鶴還

賦得孩兒菊

昨夜西風透錦屏  
巧裁翠祿綴金鈴  
招來青女呼慈母  
抱得

黃童正妙齡。漉酒陶公休。賁子加餐楚。客喜添丁龍山會上。  
看英物。贏得桓溫眼。獨青。

娟娟涼露洗兒時。此亦瓊林玉樹枝。月下候門逢稚子。霜天  
寄傲是男兒。金錢撒地將雛引。青竹編籬當馬騎。帝女長成  
誰作儷。衣裝祇覺道家宜。

雪水香盃醕來岐嶷頭。角繞庭階牽衣暗惹金魚佩。插髻  
爭榮玉燕釵。素手攜來從女几。白衣送到著僧鞋。韓公老去  
生忠彥。始信寒香晚節佳。

似筍穿籬脫錦綳。如雛出殼羽毛成。合將重九爲生日。拈得  
延年作小名。下溼秣田分愛子。西方金宿降長庚。柴桑自是  
羲皇世。珍重生男莫作卿。

晚妝兒女競嬰娛。祇覺青紅色相殊。美酒蟪蛄湯餅會淺莎。

蟋蟀戲嬰圖圓花密飭懷中玉細蕾勻排掌上珠欲與儼份  
通譜牒絕知不是帶鈴狐

桂子天香約略同小花六七媚秋風枝頭點綴犀錢碧籬畔  
蠟垂鳳蠟紅百子圖中標隱逸眾香國裏舉神童生當九月  
初三夜門左長懸玉一弓

婉孌青僮到下方丹唇粉頰戲斜陽騎羊風致真如玉坐鹿  
光陰已啗香乍可呼兄惟雪藕若教聘婦必秋棠抽釵有女  
書空笑不分東籬見杜唐

拚讓芝蘭得氣先銀屏風露九秋天兒家門戶依鴉舅奴輩  
祇承有鳳仙供佛每來童子寺養嬰須用老人泉小時已具  
神仙骨母事雲翹父稚川

酬蓮溪同年見贈

青瑣窗中起草臣，明明玉局是前身。不隨吉甫談新法，重見  
宣仁用舊人。白葛賜衣仙露裊，紅梨同甲鬢霜新。三洪二宋  
皆才俊，誰及君房掌帝綸。

水晶糕

瑩於雲母膩於酥，薄薄金刀試手初。甜滿中邊俱是蜜，明兼  
表裏可窺書。最慳珠玉劉郎似，不願膏粱孟子如。孟子如水  
精見論語已過重陽尙風味，香毬莫是菊花餘。菊花有名  
水晶毬者

書白香山下邽看桃花詩後

香山舊隱下邽旁，千樹桃花一草堂。底事晚年居洛下，卻依  
履道望新昌。

十月既望過意園記醉中語

同時才子建安雄，搖落今餘兩秃翁。河朔尙傳飛檄手，爲公



一顧起頭風

昨聞優詔出明光  
壁壘臨淮獨擅場  
衣帶長江七千里  
樓船上面著龍驤

漢廷東馬滑稽雄  
親見西王坐竹宮  
聞道武皇尊衛霍  
犬臺無復召江充

虞山丙舍兩扉柴  
故相從容骨可埋  
幸自不登甘露史  
白頭留得一王涯

雄奧山川贈島夷  
盲人瞎馬太謾欺  
沙蟲狼籍猶酣睡  
此亦符離老督師

長安棋局太翻新  
駟儈都求兩廡豚  
亟語錢王避賢路  
表忠祠裏祀錢神

盡以泉刀乞賈胡  
拚教臣朔易侏儒  
憑將三寸雞毛筆  
力球

中原士大夫

變法歸川意可哀祇緣奔走少人才如今有意超流俗速檢  
三司條例來

棄捐周禮用西儒許鄭全祧況陸朱明道豈非吾輩事麾金  
多買學堂書

倚樓看鏡送年華薄暮園林雪意佳年少飛騰吾輩老寂寥  
天地看梅花

白公身是琴亭長竇氏竇書名畫拾遺擬喚周韶攜茗至竹  
鑪寒鈹門茶旗

排悶

潼川家世羽林雄馬上能開兩石弓猿臂蹉跎今老矣玉堂  
花縣幾春風

與人無忤世無爭平等相看盡有情栗里奚奴亦人子東山  
女妓亦蒼生

令狐書記謝朝簪錦瑟妻迷託意深百寶流蘇隨處挂幾人  
真識玉溪心

官廚休戀麝牙米鄉味終思雉尾尊招隱豈關蛛網事楚庭  
別有會心人

戒葷止酒減茶漿乞取王孫藥一囊苦口由來人畏忌杏仁

蜜是好單方

伯希治病多用杏仁蜜

文章有用始稱工虛牝黃金那得同若爲驅除閒字句選棧  
油素一時空

平章風雅長騷壇飲食由來知味難豔體西崑三十六豈惟  
三舍過寒山

有贈

海上歸來王子霞玉爲幢節錦爲車蝦蟆陵畔春如夢燕子

樓中月易斜城已再傾綠巧笑戶經三免卽良家

宋時官奴婢一免爲

番戶再免爲雜戶三免爲良家見梁溪漫志

填詞小宋垂垂老觸撥閒情爲杏花

憶東溪

生長東溪側甘爲黃綺儔披裘人似鶴臨水屋如舟果下乘  
雖馬桑陰飯每牛無田歸亦得終勝上京游

趙何京兆聽泉圖

南高峰下萬松杉身到清都故不凡便與東坡作交代冷泉  
亭長是頭銜

曉踏蘇隄露未晞抱琴終日坐苔磯斜陽黃到呼猿洞纔趁  
松陰緩緩歸

到耳清於風過簫觀茶評水叩僧寮茅家塢口拏船女熟識  
腰間綠玉瓢

理安寺裏一蘭闌但到西湖似到家誰識南朝何水部此來  
不是爲梅花

禁垣新葺有述

絳闕通銀漢紅牆俯玉河星辰環紫極風雨鞏皇羅廢壁  
猶中硯高城敢不葺深宮仁丹礪版築竟如何

伯臨病中索詩因贈

意園小極索詩筒休信箕牛坐命宮脾土尙虛宜藥健頭風  
欲愈仁文雄家居金枕平安裏身在紗籠隱現中我是梁園  
舊賓客曾傳七發過江東

繡綫添長綺日溫擁貂欲出且逡巡聞鐘半夜參心佛酌水

清朝祀腦神天地荒寒修柏健陰陽開闔小梅春世間大有  
堅牢物百鍊精金百病身

玉堂輩行十科強坐閱升沈到老蒼對語每憐多足竝加餐  
難盡萬頭羊琴書無恙宜長壽身世多憂付健忘小雪園林

佳客至

謂東甫  
鳳笙

莫將人事惱年光

自編文業寫蘭縑箸述新來一尺添婚宦已消情慾半文章  
常與病愁兼治聾休割東坡耳

君患  
耳鳴投鐺逾豐柱下髯猶有

十年臺閣事瓚公語在鄴侯籤

西窗

暉暉霜日映簷斜琴硯蕭然伴畫叉細界絲欄鈔宋稗新泥  
紙閣養唐花晴看馬耳諸峰出寒索羊肝半臂加試拓西窗  
對宮樹紅雲長繞玉皇家

爽翁贈詩以留侯汲直見喻謝答一首

覽鏡生憎骨相屯漢廷賢達詎同論少年漫擬無雙士晚歲終依不二門待以書辭招綺季敢將蒙落視公孫從君徑欲嚴州住七里梅花釣石溫

次韻和爽翁賜題新拓小閣子一首

閣外西山翠欲流小詩貽我極鏤鏤籬添杞菊周三面臺視松篁出一頭酒趁卯時傾鑿落歌翻子夜付空侯陽元水碓猶堪守懶與將軍典射籌

再酬爽翁詠小閣子

玉水輕冰寸許添安排暖閣待清談雨花不到維摩室開粥聊同彌勒龕鍾傳帖曾書丙舍浩翁詩亦詠寅菴與公歲晚同安樂那識人間七不堪

生日作

平津閣裏久回翔  
旅食東華暑換霜  
監稅徵還蘇右諫  
參軍仍用謝中郎  
綺羅筵上攜文度  
書畫船中著孟光  
司馬久應方外看  
少時輕俠未全忘

三蕉葉後已陶然  
學佛無成且學仙  
淡泊儒門深雪夜  
飛騰暮景晚霞天  
鳶肩氣色輸時輩  
貂腳功名稱老年  
爲歛絳紗詩弟子  
虛糜十日畫叉錢

廉生祭酒惠筆管蛭賦謝十六韻

作宰烹鮮後封侯  
食肉時紅蛭勞輟贈  
青管可同持  
特色與銀刀  
配形如玉箸  
垂殼批斑玳瑁  
湯點碧玻璃  
竹葉澆逾美  
薑芽斂亦宜  
大慚丞相手  
細畫美人眉

蛭有名美人者

香溢捶琴館來

從洗墨池無鬚鰓  
始俊有目豹能窺  
海北饒珍異  
湘東判等



差前生疑古弼樂死豈義之金錯刀堪寫珊瑚架不辭絮羹  
非玉糝斫鱸亦紅絲戢戢排班筍莘莘脫穎錐花生江令席  
藻薦舜妃祠食譜鍾君議心期惠子知江瑤勿多食看取豫  
章詩

次伯弓韻

秋花不比春花落老輩元知勝後生坐引幽香通鼻觀跣趺  
雙結腦華清

昨宵夢到北池來綠茗紅囊取次開今日竹爐烹雪水哥哥  
瓷是夢中杯

樊山續集卷十

恩施樊增

北臺後集

次爽翁北臺雪霽元韻

天地羊脂玉色祗餘鶴頂微丹至竟不忘忠愛瓊樓高處應  
寒

我有蘇家藥玉爲公淺注梨花老來貂腳何用付與宣城酒  
家

新居得平津閣別業在富春山風標掩映籬落試認鹿冠鶴

顏陸天隨詩鹿冠秋鶴顏

老人桓公賓幕戈船橫海如何雪夜盾頭磨墨大旗風捲鷹

姿唐書兵志保大軍有鷹姿都督

謝爽翁惠新會橙

老鷗貽我新州橙氣飽風露香滿張洞庭霜黃三百顆方此  
可稱難弟兄擘來香霧噴人手噉嫩芳液華池清甌犀浸以  
琥珀酒膚革剖入谷董龔陸郎懷袖露天性海漚竊食亦人  
情元冬十二月初吉久無紫螯並銀鯽海南苞貢御廳輪堆  
盤磊落黃金實氣味偏於梨筍親切和未屑椒薑匹宜並鼎  
彝作清供口腹相求吁可惜果中亦復有遺才坐使屏山三  
嘆息劉彥沖詩橙橘甘酸各有能南包橘柚不  
同升果中亦抱遺才嘆有客攀條氣拂膺君不見臺嶠  
香膠州桃異物擲付甌與蛟廣灣蹙地又百里紅林垂垂沒  
怒濤啖君嘉實抑何幸魚羹燭栗非其曹新州皇樹尙吾土  
慎勿再餌南溟鰲按唐書地理志新會屬廣州亦稱岡州新  
州乃新昌郡改非新會也然地去新會歲  
數十里新州入  
詩勝岡州也

壽平侍御惠銀魚疊前韻志謝

奉常昨饋鵠鵠橙諫議今致雙魚嬰銀刀雪色十數尾雋味

合作山雌兄

山谷詩山雌之弟竹雞兄

已擬膾魚學嫂製遂令甕酒開婆

清暖玉杯擎紅豆粥銷金鍋糝菊花羹冰齏雪蕪相耦儷一

鸞亦足怡我情昔居水浙安且吉

癸未甲申間余與君同寓水浙寺

出入每

偕名士鯽亦腳安能事玉川蒼頭祇解呼君實廚惟楊震魚

三頭廐少鄭虔馬一匹籍曰此酒不足嘗愈曰此日足可惜

一朝水擊三千里北溟有鰈南溟息守餅不換謝息桃紫毫

快於劍斬蛟骨鯁有過魯參政百番諫紙驅風濤泔與不失

會孔意濠濮依然莊惠曹綸竿儻付任公子會須一釣連六

鼈

連日讀爽翁于湖文錄思有所作以抒景仰會公以大

篇見示敬次來韻奉答

太常十日不拈筆佐佑竹宮祠太一嶰簫忽作鳳皇鳴使我  
枯腸芒角出解注馬蹄惟郭象欲箋橘頌須王逸自憐關中  
手柳酒不及宣州漆栗蜜偃筆如臥于湖龍卓筆高於九華  
峰文錄九卷自排纂快若古書澆我胸六韜龍豹規尙父諸  
生繇蕝隨孫通扶翼世教區孔墨閒涉藝苑許歐鍾獻書師  
門甯有隱建言官府無不公梁山門戶慎鎖鑰鍾陵佳氣回  
鬱葱百函日達桓公幕髣雪添於甲午冬憂來屢發漆室嘆  
事過那希緝緝封此書照世如日月襲以雲錦逾十重三薰  
不假芸芝馥百拜聊將茶茗供吁嗟乎萍合城南天尺五仙  
班久闊霓裳舞山危松杏照狼烽天暗枕榔腥蜃雨歲律崢  
嶸迫臘蜡巷陌猶撾太平鼓竹裏誰窺絳守園雪中深閉袁

安戶揖客時能重衛青猛將知誰嗣英布幾令左股割羅浮  
未免爪牙愧祈父強作金橙玉鱸吟黃間罷射南山虎洗玉  
杯酌芳醕洞庭橘熟以爲羹天目荀香以爲脯失一得一呼  
老兵去半留半開射圃從公歸釣富春江松下苓泉白於乳

爽翁屬題明人吉慶圖

石牀羅列浮磬四道人考擊容清粹形聲假借取吉祥此亦

萬年太平意

宋大觀間試畫師以萬年技上太平雀命題

樓臺暉麗聳金碧巖壑

幽深交紫翠酷似河陽鼠尾皴畫人毋乃仇唐是院中舊家

藏此圖流離烽火失元珠殘縑久落老兵手靈物終還願愷

厨畫凡數幀存其一嘉名合以吉慶呼兩峰鹿角草樹密一

老鶴髮衣裳朱玉梅花下交三九我兄袁絲酌我酒卷舒彈

錦粲雲霞愛翫青山不釋手白雪吟催郢中客紫芝歌贈商

顏叟借作鷗窠歲兆圖年年花好人長壽公耽元默屏世營  
畫師乃亦藏其名桑陰擬署閒閒者河朔今無觸觸生吁嗟  
乎使君雅敬曹吉利槐里獨高辛慶忌與公杯酒數英雄牽  
合圖中吉慶字

爽翁惠佳釀一巨甕並示松苓酒方賦謝

山陰女兒酒價高紅泥緘印箬葉包兩力舁致方丈室赭肩  
流汗拚臂要重逾龍文百斛鼎中涵一石青葡萄公知子瞻  
酒戶小別授丹訣超佗喬禁方舊說松苓酒

裕陵秘

賜天瓶叟蒼龍腳底置巨盎闕地十尺藏之久靈液下注沈  
漚清根鬚百結蛟蛇糾三年發視訝許輕美醞百分減四五  
葉蘊泉古玉共溫純出土吉金同樸厚氣若芳蘭欲破鼻質  
如琥珀能膠口飲罷常教嬰姪調醉中坐致龜鴻壽君不見

戒壇五松高切雲棋弈其下多仙真持公此酒界惠遠如法  
閉置三冬春取歸酌以玻璃盞氣味突過公瑾醇清談不用  
漢書下痛飲且共離騷溫公爲嗣宗我伯倫名紙自署懷葛  
民遠勞江東致龍鮮漫從洛下求菰蕪公眞壺嶠神仙侶我  
亦杯湖漫浪人

爽翁贈詩有松巔融雪青一滴之句輒題其後

深衣捉麈坐譚元銷盡饑頭梢拙煙欲乞西江傳法乳雪青  
一滴是詩禪

臘日爽翁留飲劇談

旋烹漆葉飯青黏象箸逡巡褻手拈酌我再三雲母酒味卿  
一兩水精鹽茶星的的來書幌松雪微微落帽簷點綴梅花  
過三九南塘無意却陳髯

余常借用玉梅花下交三九句  
公戲謂地下迦陵遭南塘割却



次爽翁韻

何限嗔心飄瓦過幾多好手善刀藏靜中素女傳丹訣老去  
瞳人借鏡光硯水不冰依朮竈瓶花如雪點茶牀徧嘗百草  
無靈藥祇許當歸入祕方

呈竹翁

去來遼海千年鶴成敗長安幾局棋縱有臥龍天下士其如  
殺馬道旁兒後生每有才多患前事能無痛定思舉世滔滔  
人意懶蜜梅花底倒深卮

疊韻呈爽翁

公是中朝范履霜高名那得酒中藏欲知道力觀生勝公有一子論自成偶署僧名學飲光爲念天寒呼藥粥頗疑地暖有砂  
牀毛生已笑蘇公陋漫把鷗衫擬雪堂

再呈竹簣少宰爽秋太常

曉枕時聞長樂鐘。乞居散地得從容。都言唐肆堪求馬。久已  
天池罷豢龍。身病倘尋前蓄艾。歲寒誰識後凋松。蓬門長得  
高軒過。尙爲濯仙一曳筇。

爽氣贈于諫議詩自言效樊山體亦繼作吳體一篇殊  
不似漸西也

陶侃近作廣州督。邴生舊爲桓府賓。久依劉表非本志。用杜襲事  
不負衛青惟此人。廿五日中伏豹。值九重天上批龍鱗。望衡  
祇隔白楊巷。何必娜如山結鄰。

余題吉慶圖爽翁答書用換羊故事戲作三解

玉局風流今豈無。換鵝書後換羊書。鳳城昨夜雪盈尺。傳語

本官休斷屠

此本官指地方有司言

兩婢知誰贈詩客雙雞隨分噉官厨論文屢割牛心炙換米  
慚無鶴口書

賈家一幅東坡竹價在三升五斛間若仿平泉花木例子孫  
敢賣畫中山

爽翁出示自書日記

日程前後幾分年退食焚香坐染翰此是神仙起居注楊凝  
式嘗  
書神仙起居注一卷宜參景度韭花看

爽翁惠咖啡余誤為鼻煙

苦說茄非是淡巴荳香誤盡勇盧家也如白雪樓中叟不識  
人間有芥茶李于鰲按浙徐子與致芥茶  
李嫌葉大梗多以賞皂役

爽翁箴余綺語

琴心箏語屬華年潘髻成絲尚放顛鐵面禪人一援手馬胎

解脫李龍眠

法秀謂山谷詩語又誠李龍眠曰他生恐墮馬腹中

擬從爽翁講宋學公微笑曰儒門淡泊收拾不住

雙行義利陳同甫折節何當事秘書倘被儒門收拾住何憂

壺甕赤梢魚

同甫答文公書曰赤梢魚可於壺瓮浸煞

春帖子詞

代廕生

屢奉春前詔催題畫裏詩桃垂千歲實鶴守萬年枝

朝元閣下集華簪早有春風動上林仰看九重雲五色媧皇

幾費補天心

數行丹詔下蓬萊華裔俱爲聖者孩豈獨仁風齊魯徧十洲

同日上春臺

前題

代府主

椒殿春風轉蘭陽使節回普陀山滴翠添入萬年杯

時自普陀略歸

月重輪映日重光身在丹霄日月旁  
文母再三頒寶訓  
永清天子得垂裳

黃髮慚爲一个臣奉宣  
天語九州春新軍五萬今龍武長  
鞏金甌佐聖人

東坡生日作

有序

十餘年來每遇茲日率邀客賦詩今年伯熙同年飾  
巾待盡中情慘慄宸饋都廢因憶光緒己卯癸未庚  
寅均以是日集悉伯師宅前年則念初席上去年則  
午橋署齋俱作詩歌以誌嘉會前塵荏苒復值茲辰  
嘆逝傷離舊交漸盡槁梧獨據不自知涕之無從也  
作此呈竹簋少宰廉生祭酒爽秋太常並寄午橋中

丞西安

天際堂堂白日徂牛箱箕口重跼踟驚心瓊海波濤惡

指廣州割

地事轉盼眉山草木枯東府罷燒金殿炬南州將薦玉人芻與

君世世爲兄弟紙尾酸言省記無

余去年正月出都伯希任詩贈行賡以小札云乞他

年念手足也思之淚下

師友宣南氣誼眞死生契闊劇悲辛推排塵世無堅物流轉

恆沙總妄身埋玉淒其山下土鑄金珍重眼前人祇應關內

新開府竹葉杯銜玉照春

伯熙遂於是夜化去再賦

寢門一哭異幽明眞悔乘春到玉京兜率宮中仙是佛樵陽

籍裏弟先兄天教趁我來時去坡忍逢君死日生脫屣妻孥

并富貴臥牀所託是碑銘

君甫病卽屬余撰神道碑

齋居

鳩鵲樓前雪未消，飮窗遲日照無聊。酒名雅愛梨花白，硯質  
深憐熨斗焦。石筍高低三座塔，瓶笙早晚兩回潮。詩人晚達  
猶非分，且與冬青證後凋。

三疊韻呈爽翁

五十頭髮薄，薄霜閉門人。海且深藏食，江陵橘留金。絡烹建  
溪茶，玩綠光擁鼻。謝公耽洛詠，驪頭王大去胡牀。公家法最嚴子弟都  
無習向來六鶴歸何處，朱邸今爲問字堂。

比與廉生談多憂，生嘆老之意強爲俳體以自壯。腹聯  
廉生當之無愧色也。

對酒當花笑，口開楚人呵。壁謂何哉，倘逢原憲卿，眞富若較  
籛鏗我尙孩。天子私人登玉署，神仙夫壻在瑤臺。揚雲西  
漢文章手，擯作離騷反面來。

廉生見余東坡生日詩屬題所藏坡懷子由詩帖以常  
引首時伯熙猶在病榻也未幾而凶問至矣卽用坡  
韻哭之

同居穎尾計全非北斗孤光積漸微星值箕牛諸苦備雪將

鴻雁一時飛

是日微雪

雲中白鶴聲何遠雨宿紅螺願竟違

今年五月

雨中君期余游紅螺寺不果往

玉柄松枝俱寂寞豈惟國學憶張譏

廉翁令弟信卿太守以甲午冬送女入關時青萊告急

馳還省覲臘月廿三日宿渭南署齋天未明馳去比

余再至京則信卿臥病里中未幾怛化再用坡韻呈

廉翁

雪夜停驂事總非告謙何計慰王微難期延劍雙龍合翻兆

潼亭大鳥飛經野書成才未盡量天尺在算無違

君長於算學又著有



經野新編能將我法參西法不受春秋變古譏春秋變古者譏之見董子

### 再作吉語呈廉翁

行藏那復問簞筵臘鼓聲中草色青我屋芝房呈瑞露北臺下小

屋三楹舊題瑞芝堂君家蓬芮應祥星中興天文志瑞星十其四曰王蓬芮春回紫鳳

垣中樹花簇紅羅水上亭走馬應官來歲事君乘軺傳戎笈

簞

### 小除日簡廉翁爽翁

小除風日漸清妍已有春光到柳邊鎖印直過煙九節正月十九

印看花喜遇月雙年明年閏八月古以閏月兼本月爲月雙試斟案上長恩酒

懶積牀頭撲滿錢吉語蟬媽須料理歲朝利市在紅箋

### 水仙

韞羅冉冉淩波出佩王微微隔浦聞冰雪滿懷猶旖旎人花

一氣氤氲海紅簾幕來香雨水墨屏風畫粉雲一種甜和好芳澤人間梁迭不如君

除夕疊爽翁韻二首

輦下光門說最妍

古樂府光最妍雅

冷官居近液池邊酒浮春淥論

千日樹種冬青號萬年

萬年拔卽冬青樹

綠綺婦嫺雙瑱調紫荷兒

貯五銖錢難占鏡卜紛來問待與癡人作鄭箋

座上珍袍絢赤霜酒邊兒女賭鉤藏書酬白壁連城價

今年買書

幾二千金

燈賽明珠照乘光迷迭飄煙薰畫幃流蘇垂地媚紅牀

舉家守歲梅花下何減南湖玉照堂

庚子元旦宮詞

昨夜前星照紫宸鳳皇銜詔出端門歲朝甯壽宮中宴龍卷  
傳觴有太孫

紫極將開 萬壽筵十洲欣喜戴堯天三旬 天子開恩榜  
已御黃圖廿六年

芙蓉闕下集華簪雉扇遙開 法從臨喜字荷囊金豆滿拜  
恩一一繫當心

兩處催班御正衙一時慈孝仰 天家 聖人扶輦還西內

當殿剛開正午花

是日辰正 慈聖御皇極殿已初  
皇上御乾清宮俱受賀訖午前還海

除夕有懷弢父樞垣夜值

老坡輪值禁庭時辛苦隨班謝面脂蓮燭照春知坐久桃根  
守歲憶眠遲夜窗替草山公啟春帖催成水部詩會送夔龍  
早朝罷簪毫歸去薦椒卮

北臺早春

土牛新歲送寒時人日臨觴一賦詩秋去春來雙燕子新收

不見朱郎十七年公然妙筆繼熙筌秦淮多少胭脂水蘸上

吳綾寫杜鵑

朱在金陵

題可青篋

剝啄無聲鶴夢閒小庭春草不須刪幾株河畔金絲柳一角  
城西水墨山對織青蟲歸扇底斜飛朱鳥在窗間病來久不  
繙門歷賀歲紅箋罷往還

新春

軟紅塵裏一閒官竹馬泥牛興未闌元旦占年六壬課春風  
欸客五辛盤老猶賭跳誇身健狂欲呼盧忘手寒見說銅街  
燈事好鳳城今是五回看

題爽翁札後

君書稍得意可如楊風子若經意作之不過君謨耳 國朝

論法書皆循董趙軌神氣骨肉血所當具五美潰裂始戊辰  
玉堂積茆葦嗟爾王黃輩手生而筆死無肉冒白骨待衣飾  
倮體後來更相效柴瘠無人理醴泉與道因豈料旣及此文  
字聲妖孽當入五行志近多吏人書士氣不著紙卓哉王祭  
酒筆與崧華峙平生工尺牘虎臥而鳳起君書導別派雋深  
與詩似荆公無法法妙合道家旨吾書雖不工院體聊一洗  
今世書畫跋何處得蘇米借問合者誰兩人笑相視

題何大京兆三峰草堂情話圖

京尹爲喬勤恪之從孫壻勤恪官兩淮運使買泰州  
高氏三峰草堂爲別業京尹適在甥館屢從勤恪及  
劉夫人憩於斯堂親戚情話樂且無央迨成進士由  
翰林改官工部而勤恪不及見矣追寫是圖以志不

忘庚子春出畫屬題卽書其後

泰州有圓園有竹籬節巡鹽此焉宿孔雀屏風疊疊金藍田  
別業雙雙玉太尉橋公兩鬢霜親將粉汗拭何郎招來國士

秦淮海

京尹隨  
任高郵

妻以女孫王玳梁

王夢樓女  
孫字玳梁

白頭夫婦同遊

憩紫鷄一雙左右侍草堂宜畫亦宜詩祖硯傳孫復傳壻拓

地十笏水百弓當軒三朶青芙蓉清言催過鄰牆酒宴坐時

聞遠寺鐘後來嬌女乘龍去作得門楣依玉署回首春風廿

四橋七年草綠橋公墓知己平生最感恩馬撾宛轉避州門

披圖休認盧鴻宅乞墅能傳謝傅眞吳縱三尺春波色舊事

紅閨相嚮說水部揚州十度花夫人柳絮當年雪走馬章臺

歲又更惠文冠底見儀型祇今京兆傳眉嫵畫裏三峰一樣

青

酬仲實觀察見贈

招魂臺海復來歸，執手修門有淚垂。  
君夢三世緱山曾見夢，

靈後身靈又一樓湘綺莫輕拋  
君常與湘綺老人偕和像教趙女春絲

繡詩付唐宮玉笛吹沈令腰顰潘令髮素箋難寫酒中悲

和爽翁有事北壇

老坡歸助精禪日，二仲郊壇贊幣勤。  
輦路鉤陳仍羽衛，竹

宮寶鼎自氤氲。金盤夜浥三危露，芝蓋天垂五色雲。  
第七車

中尊宿在，未勞長乳現星文。

次韻和爽翁題所宿齋房

太常出就丹房宿，吹面猶寒紫陌風。  
分付祠官掃圓殿，倚松

閒拄過眉筇。

短榻揜龜聊息，偃長廊放馬一嘶鳴。  
茶香味得甘中苦，詩律

研教熟處生

規鹿柴一首次爽翁韻

爽翁擬家鹿先之以詩

春冰始泮池心綠高據一菴鵝鼻谷

已卜一菴鵝鼻谷見陸詩

衣緋老鶴

去不還思買仙家雪毛鹿東軒盡寂鳥雀喧銅街別闌山林  
天披袍已拜米家石合符擬調蘇公泉疏渠伐土成崕嶮擎  
雪小松轉明秀立柵依花待角仙取茸和藥宜長壽吾屬故  
是麋鹿羣銜花舐柏高策勸臘雪酒瓢麋血盡春風草木麝  
香熏君不見雪山鹿女非無據腳踏蓮花七重去孳乳蕃生  
五百兒漫將因果論蘭絮被鹿見君馴復馴知君亦是山中  
人戴鹿皮冠有野態臨鹿脯帖生齒津吹笙躍躍思靈囿乘  
傳依依夾畫輪吁嗟乎蕉陰夢覺知何世且坐鹿牀啖松子

次韻春雪



上春一番雪簷鳥羽譙譙壓竹悽龍笛滋蘭長雀

詩疏苑蘭一名

瓢池冰釵樹俯窗日鏡花搖曉踏瓊瑤去香驄怯早朝

隨風散紫陌是日覆龍譙素手安茶銚凝脂凍酪瓢仙山羣

玉朗香海百花搖莫遣堯年鶴來驚典午朝

簡爽翁

東園擬開烏宗島老木蒼藤景翳如僕射功名甯勝酒美人

顏色不如書

唐詩臨驚悔梳洗女色不如書

規營斜柵深栖鹿更鑿清池滿

種魚我亦青牆連紫界玉波縈帶萬芙蕖

余在渭南開東園以居近爽翁亦有東園賦詩奉粢

白蘇並以東坡號洗竹澆蔬各自忙湖在杭州如在穎

穎亦有西

湖墩歸謝氏亦歸王性情彼此親魚鳥池館伊誰奪鳳皇東

馬卽今隱朝市高風直接紫芝鄉

立文

立文未就揚雲老說著童烏卽淚垂爲語老牛須割愛譬如  
犢子未生時

道悶

闔闔風來半暖寒貂狐嫌重絮嫌單放言自信蟲無過異味  
甯知馬有肝欲省酒錢尋直賣宋時酒家不設食  
次者爲直賣店爲存詩稿  
寫橫看功名已入停年格羞向天衢逐猛官

爽翁賜和前韻奉酬二首

洛中龍鶴真同調暫脫當官簿領忙州宅東西詫元白元在  
浙東  
浙西詩名南北擬朱王田廬各欲營陽羨花木何勞侈贊皇  
天假城南二頃地儀秦卷舌競還鄉

久燕南豐一瓣香官閒翻爲和詩忙崧衡故是千山長江漢

夢山齋集卷十  
爭朝百谷王齋日秉圭祀青帝靜中調息養丹皇清文朗抱  
俱冰雪不信京華是熱鄉

春興

春風似帚掃閒庭土潤無塵雨乍經紅索金鈴花護法雕梁  
文杏燕居停消殘浦雪波微綠落盡園梅子漸青坐見西山  
開笑靨一冬濃睡近來醒

三疊王字韻呈爽翁

白蘇以後抗顏行除卻賡酬有底忙身世蹉跎老商婦歌詩  
旖旎小秦王洛人標榜花爲后楚客猗嗟樹有皇草木猶知  
重聲價人生不合隱江鄉

四疊前韻寫懷

豔體西崑錢與楊戲拈小令改閒忙杯中綠茗呼森伯臺畔

紅梅媚定王酒味參差分蜀洛竹根連理效英皇漆牀藻  
華胥界擬學圖南老是鄉

二月十三日雪簡弢夫壽平

凍雲如墨復如潮五萬春花下絳霄曉起松篁寒翠濕夜來  
歌管小紅嬌飛鴻接翅盤銀海健馬行天度玉橋蝴蝶南園  
方作繭夢中栩栩度花朝

春日簡左笏卿比部

冷落曹司住白雲春游吏役可平分雙柑擬聽鶯三兩一筆  
難勾鶴六斤雍正間鶴六斤報仇殺人得末減新鑄刑書添駁案舊刊社稿  
有程文紫薇邵位柏規言凋零後人海茫茫復見君

正月二十六日余有失子之戚是日壽平弟適拜出守

思恩之命感賦一律

上春急雪打瓊枝 丹詔傳宣下赤墀當我西河投杖日是  
君南紀改官時九齡玉雪輕生死萬里煙霜更別離思子臺  
邊收老淚仁看開府建牙旗

余失子日同年張次山銀臺亦於是日罷官感賦

失子失官俱失意同鄉同命復同年君將簪笏拋身外我取  
心肝奉上天市虎焉能爲眾白童烏無復與吾玄挂冠更有  
高常侍頭白歸耕漢上田

同鄉高理臣前輩亦以京察去官

爽秋太常祭攝政審親王廟有詩見示敬賦二十韻

赤日親扶上九天手麾黃鉞入幽燕懿親自任安周室居攝  
何曾改漢年塞北宗盟牲血在江南閣部雁書還盪平逋寇  
東西陝驅策名王左右賢

肅豫諸郎

亟下三吳誅馬阮不開兩府

待龔錢巴滇收入金甌裏閩越難容臥榻邊內院封章休錄

副

順治三年王諭內院于處啟本著承遠停止

武英便坐亦行權

王初入都坐武英殿受賀祇

愁左掖忠言少稍喜東林黨禁捐齊魯諸生興禮樂高麗兩

表進嬋娟

王有高麗妃二

敢當龜筮橫庚兆漫賦鴟鴞鬻子篇旗纛

平分羽林半肩輿直到

御牀前出常警蹕圍黃幄奏不書

名上絳箋腰褱龍蟠方

寶座頭冠花簇象珠躔樓臺約略

規丹禁茶藥紛纈輦御泉天水弟兄慚玉斧建文叔父愧金

川乾坤草昧方新造原廟衣冠忽上仙已遣宵碑摩碣石更

營高塚象祁連藍田縞燕啣春土碧殿蒼鼉供祭筵石馬夜

嘶寒食柳金鳧曉沒薊門煙奉常六拜長松下風雨靈旗尙

颯然

仲碩和答前韻再柬一首

借得僧房久不歸門前柳色嫩金垂塵須王謝舊家捉琴用

瀟湘斑管搥甲馥煙從珠箔度海棠風夾玉塵吹昨雪故人頗大莫問蘭臺客春色如秋亦可悲

二月十八日博泉前輩潤夫京兆招同徐大司馬許少

宰葛少司馬李少司馬袁太常劉學士集雲山別墅

卽席有作

煙郊曉策鮑家驄尊酒高樓一笑逢朝罷金貂聚南墅春晴  
紫翠滿西峰煎茶新試花朝雪種樹將齊善果松別墅與善果寺相近  
九老相攜會眞率擬將圖畫命勾龍

廉生答余書效東方生語戲贈

優亞狎咩語不經仙人游戲炳丹青東方朔後今千載北斗  
南邊又一星中使送歸榮寶炬六宮傳看寫黃庭金門大隱  
多高論贏得君王側席聽

問繡漪病

病中辛苦女文園久不來過待月軒銀燭照人虛夜繡紅房  
多睡困春寒藥杯漱澁顰眉飲書葉遠巡撮口翻幸是閨年  
花較晚海棠相待倚欄杆

春遊

西直門前金犢車浮嵐軟翠滿煙沙風吹羅縠鄰鄰水山抹  
燕支淡淡霞柳葉魚來噉柳葉桃花馬駐訪桃花雲中樓觀  
金鳩鵲知是崑崙阿母家

三月九日爽翁招飲賦呈同席諸公第二首專簡主人  
東海南溟浪不驚園林置酒筍鞋輕聊將茶果存眞率未便  
衣冠逮廣明郊墅百花新駐輦書堂雙柳好聽鶯他年汐  
社詩人出應羨如今是太平



祠祭勞勞竟一春暫開東閣撫牀塵開除拜表行香日接引  
香花臥酒人青竹筍剛抽雪箭黃花魚亦趁風輪齊期過了  
還沈醉忘畫春山兩點顰

贈京尹

京兆風流世所知章臺拊扇意遲遲花迎水部居東閣月照  
山公過習池晚出詩人衝馬首早朝天子問蛾眉香山一  
拜河南尹卽是平遷少傅時

感懷疊搥字韻

出門常及午前歸莫問冠彈與綬垂苦乏俸錢供漫浪不堪  
禮學共提搥南史搥提禮學本不參選邵夫宮中教進秋千戲花底橫將尺  
八吹等是春風上林樹曉鶯歡喜夜烏悲

碩莪屬題畫冊戲書其後

好學深思世無有不獨丹青乏好手古人一藝享大名歷數  
十年始成就自從西學變華風人間萬事皆粗庸毛膚獵取  
計良得沐猴戴冠如虎雄銅仙流淚倉聖哭競學夷言服夷  
服利名誰肯死前休獨於同學知止足俗書未可入碑版制  
藝那不慚科目同文算法等兒嬉申報文章眞大辱可憐畫  
苑更無人今日溪藤嗟薄福驛亭畫壁尙嫌汚酒肆糊窗差  
滿幅不如鬼工鍊藥鏡玻璃照影眞形出我知今世無畫工  
不教素練塗青紅湖山景入詩篇裏亭館名存印石中曩展  
袁絲富春卷已覺溪山非峭蒨讀君此畫更奇絕從此香鑪  
失眞面南北二宗不可求捲簾看畫負茶甌灰堆山色糊塗  
樹可惜匡山琴志樓

疊韻酬石甫留別

落筆依然風雨驚心將桓府七曹輕持杯勸我飲春碧按劍  
無人暎夜明白下一騎官廐馬廬山重聽寺門鶯趨庭細問  
丹霞訣會遣蒼生疾癘平

大九州中浩蕩春諸天下視等微塵禪心已證三摩地老眼  
重看五色人來日大難觀角觝指英特之戰送君千里轉腸輪金  
臺會有重遊日潞柳依依莫帶顰

題石甫詩集卽送之江左

不將鄴瓦爲君祝那稱陳王繡虎才三日耳聾龍簷簷彌天  
雲起屈樓臺一春芳草王孫去六代青山幕府開嶽嶽樓船  
滄海上凌風能不望蓬萊

登韻贈宋芸子編修時瑤媛將至

蜀山苗脈廿人驚誰把銅坑一擲輕焚草封章尙傳誦爭桑

公案要分明

君部四川商務有疏力陳抵制之法不報

伯勞且自違飛燕

指李同年郎

索何由得試鶯太息楚弓誰得失成都勿復問君平

桃根欲看鳳城春緩緩車來碾陌塵故國芙蓉眞錦望君家  
紅杏是姬人閒情花管修眉史世事松風過耳輪倘共清娛  
談域外熱升難熨遠山顰

碩甫強以北江楹帖從朱芸子易樊山集去朱意殊快

快賦此一笑

我集洪書孰劣優洪爲愛妾我驂騑重輕試較雀兼燕小大  
應嗤羊易牛城不足償爭趙壁書非甚異亦荊州請看前輩  
歐陽子終讓眉山出一頭

宿萬泉莊夜起作偈

夢回無想亦無因心與元關隔幾塵打得綬山桃核破道回

纔見裏邊仁

晚憇柳下

盡日東風吹柳絲  
鱗鱗春水動荒陂  
雪山水牯垂垂老  
竭力耕田恰爲誰

送壽平弟出守思恩

嶽嶽中朝獨角麟  
一麾手把下丹宸  
昌黎渤海原非貶  
夢得連州況有親  
卜宅蓬萊三島近  
時寄家都下到官蕉荔一時新  
薰風萬里田州路  
犵鳥蠻花在處春

滿眼風花悵別離  
與君同氣復同枝  
虛名已媿稱前輩  
經術無勞說本師  
數以高文求點定  
盡將尺牘付裝池  
夷吾大有勳名在  
不是新亭灑淚時

四月廿二日胡公度給諫招集松筠菴卽席送高理臣

前輩張次珊同年出都

諫草堂開酒膽粗朝班何意失英儒批鱗逢怒古來有攜手  
言歸當世無薊北漫騎高骨馬江南飽食四顛鱸東門振飲  
今猶盛別有賢哉二大夫

芸子官檢討余誤書編修書來辨正似以三甲爲憾戲  
賦

編檢同階侍玉除乙鴻偶混漫軒渠宏詞陽羨猶堪數五甲  
新安總未如侯相也稱同進士謂曾文正家風休學問尙書試將  
史傳參金石仕履從來多鉅鎔

石甫南歸與傅彩雲同乘有詩見寄戲次其韻

秦郎何意耦朝華吹氣渾疑瑣璫應葭寫入丹青小楊柳合爲

耕白二桃花

君贈爽翁詩有排  
白二桃花之句

妾心宛轉悲山木鳥語分明

懊澤家油壁車中並肩坐軒渠應潑繡襟茶

飈輪圓轉似迴腸載得瑤臺郭密香枕底鴛鴦紆左顧髭邊  
茉莉是南強都非年少如垂柳直以言多畏折桑願得青禽  
與方便長銜錦字到君傍

留別府主

渭濱久擬荷漁簑豈意冥鴻赴禮羅  
攄馬經年飽綠豆池魚終日躍恩波  
才難濟變行歸矣心欲酬知奈老何  
願洗甲兵終不用盼公隻手挽銀河

前詩意有未盡再呈一首

昔捧鸞綸入帝畿相公知遇古來稀  
新恩特許居東閣舊恨眞能補北扉  
直爲米珠憂坐困非關蕪菜託先幾  
也知難免親朋笑又似當年落第歸

別北臺

幾日液池鴛鴦散二年阿閣鳳皇棲憑高一灑銅駝淚宮柳  
如人總向西